

類

焦

類雋卷第二十二

勾吳虞舟鄭若庸纂輯

山東按察司副使古虞百樓鍾

穀

同校閱

戶部陝西司主事西蜀少川王用楨

戶部福建司主事古粵礪山鍾

昌

工部營繕司員外四明夢韓張大器

同閱

臨清州知州古完呂珩

校正

太學生汪珙校梓

布帛類

錦繡

黼黻書云黼黻絺繡注絺繡與黼同文爲天子之服**束錦**儀禮云婚男享婦之送者酬以束錦注送者謂隸于弟妻妾**采髮**禮云童子以錦采髮**典絲**周禮云典絲宜文繡**備采**又云五采備謂之繡**束髮**禮記云紉錦束髮注童子之飾也**有恒**又云仲秋之月命有司文繡有恒必循其故所以交於神明者不可以同於所安樂之義也故有黼黻文繡之美**六幣**周禮云合六幣圭以馬璋以皮璧以帛琮以錦琥以綉璜以黼此

六物者以和諸侯之好。**楊**。禮云君衣狐白裘
錦衣以楊之。**先王**。又云左師見夫人之步馬者
問之對曰君夫人氏也左師曰誰爲君夫人余
胡弗知。圉人師以告夫人使饋之以錦。先之以
玉如金。釋名云錦金也。作之功重其價如金。**脩**
然。釋名云繡脩也。文脩然。**尚綱**。禮云衣錦尚綱
惡其文之著。**百純**。穆天子傳云吉日甲子天子
乃執白圭玄璧以見西王母獻錦組百純。西王
母拜拜而受之。**不復**。呂氏春秋云衛人饋叔向

裴成

文選云具錦裴成濯色江波

綱

爾雅云

索錦綱杠郭璞注曰以白地錦緇旗之竿也

火

取

列女云范氏之藏火子華曰能入火取錦者

從所多少皆予之商丘開入火往回而身不死

發

語林云陳元方遭父喪骨立其母慙之以

錦被蒙其上林宗往弔見而責之賓客絕百許

日

無上

孫卿子云天子者勢至尊重無上矣衣

被則五綵雜間色重文繡加飾之以珠玉也

冰

卷

拾遺記云東海有冰蚕其繭五色織爲文錦

入水不濕**刺文**史記云刺繡文不如倚市門**重**

錦左傳云歸夫人重錦三十兩注三十疋也**美**

錦左傳云子產謂子皮曰子有美錦不使人學

製焉其爲美錦不亦可乎**綴衣**史云漢御史以

繡爲衣**迴文**史云竇滯妻蘇氏織爲迴文詩以

寄滯宛轉循環文甚凄惋**衣馬**史云楚莊王有

愛馬衣以文繡**魚油**史云女王國貢魚油錦紋

綵尤異入水不濡濕云有魚油故也**虎文**漢官

儀云虎賁中郎將占官衣紗縠單衣虎文錦袴

餘即亦然

畫游

後漢書云甄琛爲定州刺史既

至卿衣錦畫游

紫囊

漢內傳云帝見西王母巾

器中有一小卷黃書盛以紫錦之囊帝問此何

書王母曰五岳真形圖也

錦帳

漢官儀云尚書

郎直中官供錦帳

錦車

漢書云馮夫人出塞得

錦車

決勝

諸葛亮云今民貧國虛決勝之資難

錦耳

針綵

論衡云綉之未刺綵白何異哉及加

五采之功施針綵之巧則文章炫耀而學者亦

如之

守約

吳志云蔣欽爲右護軍孫權嘗入其

內母練帳錦被權歎其在貴守約勅御府爲其
母作錦被改易帳

布地

傳云天子以文綉布地

繡堆

舊唐史云謝延皓太順中以詞賦擅名與

徐寅不相上下時號錦繡堆

自表

唐書云李晟

每與賊戰必錦裘繡帽自表指傾陣前

反臥

羊

太常妻辛夫人傳云夫人魏衛尉繡候昆之女

不好華麗從外孫胡母賜上夫人錦被乃反臥

爲繡

唐史云杜亞拜淮南節度使泛九曲池曳

繡爲繡詫曰要當繡是林沼李衡曰未有錦繡

云何亞大慙

鋪池

李石開成錄文宗論德宗奢

靡云問得禁中老宮人每引泉先於池底鋪錦
王建王宮詞云魚藻宮中鎖翠娥先皇行處不
曾過只今池底休鋪錦菱角鷄頭積漸多

稱妙

丹陽記云歷代未有錦而成都獨稱妙故時至
三國魏則市於蜀吳亦資西蜀至是始有之

錦

城

益州記云錦城在益州南笮橋東流江南岸

昔蜀時故錦宮也處號錦里城墉猶在

錦名

鄴

中記云錦有大登高小登高大明光小明光

懽

山小博山大茱萸小茱萸大交龍小交龍蒲桃
文錦班文錦鳳凰朱雀錦韞文錦桃核文錦或
青綈或白綈或黃綈或綠綈或紫綈或蜀綈工
巧百數不可盡名也**敵泥**西京雜記云武帝時
得二師天馬以五色錦爲蔽泥**列堞**王于年拾
遺記云幄支國人時來獻貢有列堞錦文似雲
霞覆於日月如城雉樓堞**梁滑**又云員嶠之山
名環丘東有云石廣五百里有蚕長七寸黑色
有角有鱗以霜雪覆之然後作絲垂長一尺其

色五綵織爲文錦入水不濡其質輕軟柔清

步

障

世說云石崇錦步障五十里

登朝

淮南子云

管仲文錦也雖醜登朝于產練帛也美而不尊
注云管仲雖不及聖猶文錦也

以魚

潛夫論云

夫攻玉石冶金以鹽濯錦以魚浣布以灰物故
有以醜治好以賤治貴者矣

結絲

拾遺記云吳

趙逵之妹善書畫巧妙無雙能於指間以絲絲

爲雲龍虬鳳之錦大則盈尺小則方寸

錦帆

大

業記云煬帝幸江都所乘龍舟錦帆錦纜

芳蓀

杜甫云小襦繡芳華**秦女**李白啼云機中織錦
秦川女碧紗如煙隔窓語**翡翠**又云翡翠黃金
縷繡成歌舞衣**翻鴻**洞冥記云元鼎元年起招
仙閣編翠羽麟毫爲簾有走龍錦翻鴻錦飾簾

絲

女治

詩云綠兮絲兮女所治兮**載績**又云八月

載績或玄或黃

五蛇

又云羔羊之皮素絲五蛇

岱畎

書云岱畎絲枲注畎谷也

壓絲又云禹貢

青州厥貢縠絲注縠桑絲中琴瑟絲

分國禮云

孟夏蟄事既登分繭秤絲

三盆

又云夫人繅三

盆手

典絲

周禮云典絲掌絲入而辨其物以其

賈揭之注絲入謂九職之嬪婦所貢絲

水凍

又

云慌氏凍絲以流水漚其絲七日去地尺晝暴

諸日夜宿諸井七日七夜是謂水凍

治芬

左傳

云以亂治亂猶治絲而芬之

積微

史云却長倩

贈公孫弘素絲一襪以爲積微成大之誠

色絲

曹娥碑云色絕宇也

就染

漢記云童子魏照求

人事郭泰供給灑掃泰曰當精義講書何來相

近照曰經師易獲人師難遭欲以素絲之質而
就朱藍之染三斷後漢書云方儲爲郎中章帝
使文郎居左武郎居右儲位住中曰臣文武兼
備在所用上嘉其才以繁亂絲付儲使理儲拔
佩刀三斷之對曰反經任勢臨事宜然三晉
書云呂光竊號河右中書監張資病光博營救
療有外國道人羅什云能差資病光喜給賜甚
重羅什曰又不能爲益徒煩費可將五色絲作
繩燒爲灰投水中灰若出水還成繩者病不可

愈湏臾灰聚浮出復爲繩次日資死符後魏
書云幽州刺史張亮初有薛琬夢亮於山下掛
絲覺而告亮且占之曰山上絲是幽字君爲幽
州乎未甚而受賤貴士緯云絲俱生於蠶爲繒
則賤爲錦則貴練絲正部云皎皎練絲得藍則
青得丹則赤得紫則黃得泥則黑懸梁四公
記云扶桑國貢黃絲三百斤即扶桑蚕所生扶
桑灰汁所煮之絲也帝有金爐重五十斤係六
絲以懸爐絲有餘力金風俗通云五月五日

五色縷命絲俗說益人命借喻西京雜記云公

孫弘舉賢良國人鄒長倩贈以素絲一疋爲書

以遺之曰五絲爲緝倍緝爲升倍升爲絨倍絨

爲紀倍紀爲縵倍縵爲穠此自少之多自微之

著也士之立勲効名節亦服如之勿以小善爲

不足脩管子管子云齊桓公伐楚濟汝踰方城

使貢絲於周室墨子墨子見染絲者嘆曰染于

蒼則蒼染于黃則黃五入則爲五色不可不慎

非獨染絲治國亦然園客神仙傳云園客嘗種

五色香草服食其實數年有五色蛾集于草上
客收而薦之以布生華蚕焉有一女來助客養
蚕得繭百二十枚繭大如瓮每繭繅六七日絲
乃盡 此女與園客仙去 **五兩** 百官志云織染
著絲五兩爲鈎 **萬兩** 傳云房知溫卒後其子彥
儒獻其父絲十萬兩 **相閭** 浣花地志云杜甫寓
蜀每蚕熟即與妻兒躬行而乞曰如或相憫惠
我一 兩絲 **疑霜** 杜牧謝新絲表云品比疑霜
螢如委雪 **作歌** 李白荊州歌云荊州麥熟繭成

蛾綠荒憶君頭緒多

織績

蠶織詩云婦無功事休其蠶織**七襄**又云跋彼織女終日七襄注云襄賀也**斷機**孟子母方織見軻學歸母問學所至孟子曰未能博習母以刀斷其機曰子之廢學若予之斷機也孟子後遂最勵成天下之名**女修**傳云女修織紉男務耕耘**斷織**又云樂羊子尋師遠遊一年來歸妻引刀趨機曰此織生自蚕繭一絲而累至寸一

寸而累至尺一尺而累至丈匹今若斷之損前
功廢時日也羊感之七年不返**織蒲**記云臧文
仲妾織蒲爲不仁與民爭利也又周勃以織蒲
曲爲生注輦薄一名曲薄**夜訪**記云楊三安妻
喪舅姑與三安繼子幼孤寢晝田夜訪三年葬
舅姑及夫兄弟七喪遠近嗟嘆**牽挺**列子云牽
挺機**躡夜****續**食貨志云冬民旣入婦人同巷相
從夜績女工一月得四十五日注一月中又得
半夜爲十五日**鮫人**搜神記云南海之外有鮫

人水居如魚不廢績織浮槎博物志云近世有

居海渚者每年八月有浮槎來此人乃立於槎

上忽忽不覺奄至一處有城墉屋舍望室中多

見織婦見一丈夫牽牛渚次飲之驚問此何處

荅曰君歸詣蜀問嚴君平對曰此天河牽牛織

女織室漢書云少府屬有東織室西織室教織

後漢崔寔爲五原太守土宜麻枲而俗不知織

寔斥賣儲躋乃作紡績織紝練緼之具以教民

得免寒苦儉約魏志云山中恭王從封濮陽大

和二年就國尚儉約勅妃妾紡績織紵習爲家
人之事**弄杼**古詩云札札弄机杼**蘭室**杜甫云
象床玉手亂殷紅萬草千花動疑碧亂悲素質
隨時染裂下鳴机色相射**流黃**机天寒素手冷

絹

厚疏記云劉熙釋名云絹絕也注其絲厚而疏
也**織縞**書云厥首織縞**若良**周禮云凡布絹辦
其苦良比其大小而賈之注云別其麤細廣狹

其賈于物也

淳制

又云一其淳制注淳廣狹也

制長短也

繁總

廣雅云繁總鮮支穀絹也

縑

漢書云賜降胡縑細孫章誤以十爲千

遺盜

史

云陳寔兄梁上之盜乃遺絹兩匹

祿餘

胡質爲

荊州刺史賜其子威絹一匹威曰大人清高何

得此絹父曰俸祿之餘

縑直

唐書云權德輿言

大曆中一縑直錢四千今止八百稅入加舊則

出餘民者五倍其初

書幅

沈約宋書云羊欣父

不疑爲烏程令欣年十二王獻之吳興甚知愛

之嘗夏日入縣欣著新絹裙晝寢獻之書裙幅而去欣書本工因此彌善

夢奠

又云沈慶之廢

帝遣從子攸之資藥賜慶之死時年八十夢有人以兩尺絹與之謂曰此絹足度謂人曰老子今年不免矣兩尺八十尺足度無盈餘矣

厚贈

又云皇甫湜爲福先寺碑援筆立就度贈以車馬繒綵甚厚湜大怒曰自吾爲顧况集序未嘗許久今碑字三千一字三緘何遇我薄耶度笑曰不羈之才也

受嫌

又云太宗疾貪吏欲痛懲

刈之乃間遣人訪諸遺諸曹一吏受饋縑帝怒
詔殺之矩曰吏受賕死固宜然陛下以計給之
因即行法所謂罔人以罪非道之以德之誼帝
悅織縑古詩云新人工織縑故人工織素織縑
日一匹織素五丈餘持縑將比素新人不如故
張說論文云張九齡之文如輕縑素練實濟時
用而窮遼幅

縑

八

日南志云一歲八蠶之縣織縑禹貢云厥

篋續注細綿也。挾纊傳云師人多寒王巡三軍撫而勉之三軍之士皆如挾纊。麗密聖主得賢臣頌云荷纊被毳者難與道純綿之麗密重繭。楚子使薳子馮爲令尹遂以疾辭重繭衣喪鮮合而寢注繭綿衣也。

素

皎潔古詩云新裂齊紈素皎潔如霜雪。素書又云呼兒烹鯉魚中有尺素書。借機杜牧云寒衣一匹素夜借隣人機。韋應物云殘工委篋。

篋餘素經刀尺**比素**南都新書云韓愈自河南
令除職方員外郎歸朝問前後之政如何對曰
將繼比素**束腰**洛神賦云纖腰如束素

帛

束簣易云束帛戔戔貢于丘原**將意**詩鹿鳴序
云旣飲食之又實幣帛篋篋以將其厚意**篋將**
詩云承篋是將注所以行幣帛也**束帛**周禮云
幌氏凍帛以撾爲灰渥淳其帛實諸澤器淫之
以蜃注以撾木灰漸釋其帛于滑澤之器淫薄

粉令帛白也。蜃蛤也以蛤灰之。**不衣**傳云季孫

相魯無衣帛之妾。**可衣**禮云五十可以衣帛又

云七十非帛不煖。**裂繒**史記云周幽王后好聞

裂繒聲。**有幅**晏子云富如布帛之有幅焉爲之

製度使無遷焉。**書帛**狄仁傑送至獄司筆書帛

置褚衣中謂吏曰方暑請付家徹絮。**水帛**杜陽

編云同昌公主一日大會韋氏族暑氣時甚主

命取澄水帛掛于南軒滿座皆思挾纈。**囊中**杜

甫云那無囊中帛救汝寒慄慄。**聚斂**又云形庭

所分帛本自寒女出鞭撻其夫家聚歛貢城闕

練

東練

孔子云望吳門白氣亘天若曳練視之乃

白馬也

練冠

記云季孫練冠待罪罪衣晉書云

王導爲太保時軍藏竭唯有練千端鬻不售導乃製練布單衣皆放之乃貴也

襜褕

唐車服志

云文舞郎白練襜褕

白衣

唐則天長壽二年詔

應天下尼當用白練爲衣

如練

謝玄暉詩云澄

江淨如練

楚練

杜甫詩云越羅與楚練照耀輿

臺軀

擣練

又云清山城擣練急

練

韓愈云

長姬香御四羅列綺裙練帨無等差

秋練

白公

云月出砧杵動家家擣秋練

綃

鮫綃

北夢瑣言云張建章爲幽州司馬曾以府

命往渤海遇水仙遺鮫綃自齎以進將事者爲之傳亳州大清真道士有收得其本者曰明宗皇帝有事郊丘建章鄉人掌東序之寶且言國璽外惟有二寶其一即建章所進鮫綃篋而貯

之軸之如箸以紅線纏之亦云夏天溽暑展之
滿室凜然**霞帳**長恨傳云上皇得成都方士入
蓬萊宮見一人霞綃帳**三破**辨香集李龜年至
岐王宅二妓贈三破紅綃**蟬**魏文帝云娟娟
白如雪輕花比蟬翼**露**杜甫云綃綺輕霧霏
朝霞李賀云誰爲虞卿裁道帳輕綃益定染朝
霞龍綃杜陽編云元載納薛瑤英爲姬以龍綃
衣一襲以瑤英體輕不勝重衣於異國求此服
也

綺

霞散

古詩云餘霞散成綺

琴名

傳云司馬相如

之琴名綠綺

不衣

記云士不衣織注織綺也

細

綺

杜甫云輕紈細綺相追飛

樂舊

韋蘇州云別

時雙鴛綺留此千恨情

紫綺

又云解我紫綺裘

且挾金陵酒

舊綺

陳子昂云聞有鴛鴦綺特爲

美人贈

羅

鳳文

傳云鳳文蟬翼並羅名

絕袖

史記云荆軻

把秦王羅袖絕**薦地**漢武內傳云帝七月七日

掃除宮掖之內設座大殿之上以紫羅薦地燔

百和香燃九微燈以待王母**疏文**釋名云羅文

羅䟽也**文羅**張敞東宮舊事云太子納妃有絳

真文羅幅被一絳真文羅袴七**禁服**晉書云晉

令六品以下不得服羅繒**從展**王孫子云隋珠

曜日羅衣從風**職貢**地理志云鎮州貢孔雀羅

瓜子羅春羅越州貢寶花花文等羅**禦冠**高麗

王以白羅裂冠大臣青羅冠**續**史云韋堅鑿

渾通漕成帝爲升樓堅取小斛舟每舟署某郡
以所產暴陳其上若會稽則羅**羅羅**崔融啓母
廟碑云霜羅曳曳**紫煙**又云羅衣曳**紫煙****生塵**
洛神賦云羅襪生塵

布

有幅釋義云布帛有幅爲之制度使無遷也**女**
工禮云大祭以䟽布爲尚反女工之始**懸布**春
秋云主人懸布堇父登之及堞而絕蘇而復上
者三主人辭馬乃退帶其斷布以徇于軍三日

明衣

孔子云齋必有明衣布**作冠**記云義皇造

布孔子作緇布冠

大布

史云衛侯衣大布之衣

布被

又云公孫弘爲漢相臥布被

布裙

又云孟

光荆釵布裙而嫁梁鴻

燔機

史云公儀休見布

好疾出家婦燔其機恐奪人之利

可縫

漢文帝

徙淮南王遂死時人歌曰一尺衣尚可縫一斗

粟尚可舂兄弟二人不相容

越布

漢書云徒隸

祖父閔爲尚書令美姿貌着越布單衣世祖見

而好之遂勅會稽獻越布

宛囊

楊王孫以布囊

盛其屍而瘞之。**瀑泉**地志云天台山有瀑布泉。**朝霞**唐史云貞觀時南蠻王獻朝霞布。**白疊**高昌有草名曰白疊。擷花可織爲布。**百匹**燕書云太祖以宋該性貪賜布百匹令負而歸重不能勝乃至僵仆以愧之。**浣布**魏志云梁冀嘗衣火浣布單衣會客伴爭酒失杯而汚之僞怒燒之火威垢盡粲然如新。

綾

十樣

地理志云越州土貢十樣花文綾。**魚鱗**又

云閨州貢水紋方紋魚口繡葉花文綾鳥眼又

云胡州貢鳥眼綾龜甲又云蔡州上貢四窠雲

花龜甲溪鵲等綾可文玄鳥先生傳云舊綾机

五十絲爲五十躡先生易以十二奇文異變因

而作成萬匹五代王峻詩借左藏庫綾萬匹太

祖勉從之龍油唐杜陽編貢龍油綾紋絲尤異

入水不濡云有龍油故也完封韓思復永淳中

家益寧歲饑京兆杜謹以百綾餉思復思復方

併日食而綾完封不發鴈文謝惠連詩客從遠

方來贈我鶴文綫

締絡

無斃詩云爲締爲絡服之無斃**蕉葛**蕉葛升越

弱於羅紉**葛屨**詩云糾糾葛屨可以履霜**暑服**

月令云孟夏天子初衣暑衣注云締絡也**掌葛**

周禮云掌葛以時徵締絡之財**富暑**孔子云當

暑紵締絡必表而出之**削爪**爲天子削爪者副

之中以締爲諸侯削爪者副之中以絡**不御列**

女傳云盧懽清貶梧州尉其妻徐采締不御**采**

葛漢書云江都王建遣通越閩侯遣建荃葛注
細布也**文事**柳宗元饒娥碑治締葛供女事又
云織葛絡紵克供以脩**採葛**李白黃葛篇云青
煙蔓長條綠繞幾百尺閨人費素手採綴作絺
絡

麻

廣實爾雅云廣臬實麻也廣音墳**丘**詩云丘
中有麻**可漚**東門之池可以漚麻**典臬**周禮典
臬掌布絲縷紵麻草之物以待時頒功而授賚

及獻功受苦功以其質揭而藏之以待時頒

宦左傳云拘鄆人漚管者曰何故使吾水滋

縱詩云藝麻如之何縱橫其畝

蓮直語云蓬生麻中不扶自直

爭池石勒與李揚爭漚麻池相

歐擊

三史云帝嘗賜諸王綵五百以騰王元

嬰及蔣王貪黷但不書曰騰叔將弟不須賜帛

給麻二車助爲錢緡二王大慙

總髮李少良傳公晉州有男子郇謨以麻總髮行哭長安東市

人問之曰我有三十字獻王一字爲一事

爲

唐百官志云織染署麻三斤爲緡

類雋卷第二十一終

類雋卷第二十三

勾吳鹿舟鄭若庸纂輯

山東按察司副使古虞百樓鍾

款

重校閱

戶部陝西司主事西蜀少川王用楨

戶部福建司主事古粵礪山鍾

昌

工部營繕司員外四明廖韓張大器

同閱

臨清州知州古完呂珩 校正

太學生汪琪校梓

珍寶類

珠

珠母

禮云其政平則江海出明珠**珠母**七經義

云大珠在中小珠環之**夜光**廣志云有珠稱夜

光**莫難**廣志云莫難珠其色黃**川生**禮云川生

珠而岸不枯**舜捐**文選云舜捐珠於五湖之泉

德至虎通云德至淵泉海出明珠**珠澤**穆天子

傳云舍于珠澤之數**昭王**王孫子云衛靈公隋

珠照日**彈雀**又云以隋侯之珠彈千仞之雀**節**

遺莊云黃帝遺玄珠於赤子**懸闕**神異經云西

北荒中二金闕有明月珠**龍江**搜神記云南海

之外有鮫人水居不廢緝績其人能泣珠

珠丘

拾遺記云舜葬蒼梧之野有鳥如雀名曰憑宵
自丹州而來銜青沙珠積成壘阜名曰珠丘今
蒼梧採藥者時得青石潔如珠服之不死帶者
身輕

魚鰓

三秦記云昆明池有人釣魚綸絕而

去遂通夢於武帝求去鈎帝明日戲於池見大
魚御索帝曰豈夢所見耶取而放之間三日池
邊得珠一雙帝曰豈非魚報之耶

冰河

列子云

子華之門徒指河曲之隈戲謂商丘開曰彼中

有寶珠泳可得也商丘開泳之既出果得珠

寶珠

盜萬震南征異物志云合浦民善游採珠兒年

十餘歲便教入水官禁民採珠巧盜者躡水底

剖蚌得好珠吞而出

鯨目

廣州記云鯨鯢目即

明月珠魚死而目皆無精

明月

魚秦魏畧云大

秦國出明珠夜光珠真白珠沈懷遠南越志曰

海中有大珠明月珠水精珠

珠樹

山海經云三

珠樹生赤水上其為樹如栢葉皆為珠

珠樹

春

秋保乾圖云吐珠於澤誰能不含注曰珠出於

野澤之中誰能不舍取以為寶也

鳳樹

王于年

拾遺記云少昊時有鳳樹明珠至於庭少昊乃拾珠懷之使照服於天下

舞鶴

瑞應圖云晉平

公鼓琴有玄鶴一雙而下御明珠舞於庭一鶴矢珠覓不得而走師曠掩口而笑

亦

管子云

玉起於禺山金起於汝漢珠起於亦野

亦

任

子云丹淵之珠沉于黃泥

亦

尹子云凡水圓

折者有珠

取粟

說苑云墨子謂滑釐曰今凶年

有欲與于隋侯之珠者曰不得賣也又欲與于

一鍾粟者得粟不得珠得珠不得粟子將何擇
滑釐曰粟可取也寶櫝尸子云楚人賣珠於鄭
者為木蘭之櫝薰以桂椒綴以玫瑰輯以翡翠
鄭以買其櫝而還其珠此可謂善賣櫝矣未可
謂善鬻珠也鮮列子傳云鄭交甫至漢皋見
二女佩兩珠大如雞卵二女解與之既行不顧
二女不見佩珠亦失幽明錄云洛下有田
穴婦有殺夫推而下之得一穴中人皆三丈披
羽衣如此九處最晚所至告饑長人指中庭柏

樹打一羊令跪將羊鬚三捋得三珠食焉復尋
穴出交州還洛間張華云九處地仙名九舒大
夫羊為癡龍初一珠食之天地等壽次者延年
後者療饑而已**鮫泣**博物志云鮫人從水出寓
人家積日賣綃將去從人主索一器泣而成珠
滿盤以與主人**棄珠**列女傳云珠崖令卒于官
妻送喪漢法內珠入關者死妻棄其係臂珠前
妻子初九歲好而取之置其母鏡奩中好不知
也至關吏搜索得珠刻問誰當坐者初曰我當

坐繼母請曰幸無効兒誠不知也妾當坐初又
曰夫人哀初之孤欲以活初耳因號泣傍人莫
不酸鼻隕涕聞吏執筆不能就一字乃棄珠遺
之漢書云武帝使人入海市明月珠至圓
二寸列仙傳云會稽敗珠人朱仲者漢高
后時市三寸珠詣闕上之賜金五百四寸魯元
公主私以七白金從朱仲求四寸珠獻之陰精
後漢書云珠蚌中陰精也照見郭子橫洞冥記
云帝起甘泉望風臺臺上得白珠如花一枝帝

以飾九華之蓋望之若照月

曹植

與楊德

祖書云偉長擅名於青土公幹振藻于海隅德璉發迹於北魏足下高視於上京當此時人人

自為握靈蛇之珠家家自謂抱荆山之玉

關

見寶類史記云魏王與齊威王會田於郊魏王曰寡人國小尚有徑寸之珠照車前後各十二

乘者十枚奈何萬乘國而無寶乎

後漢書

後漢書

云馬援在交趾常餌薏苡實及還載之一車後有上書譖之者以為前所載還皆明珠文犀也

封還

東觀漢記曰永建四年漢陽太守文襲獻

大珠順帝詔曰海內頗有災異而襲不惟忠竭

誠而喻明珠之端以求媚令封珠却還

致庭

漢

書云成帝時王章死妻子皆徙合浦其家屬採
珠致產數百萬

按

史記云鄒陽獄中上吳王

書曰明月之珠夜光之璧以闇投人於道路人

無不按劍相眦者何則無因而至前也

還浦

漢

書云孟嘗為合浦太守俗舊採珠以易米先時
二千石使人採珠積以自入珠忽徙去饑死者

盤路孟嘗君化行一年去珠復還還婦謝承後

漢書云汝南李敬少時遷趙相奴於鼠穴中得
繫珠及瑠珉以問主簿對曰前相夫人常亡珠
疑其子婦竊之因去婦敬送珠前相慚乃還去
婦火齊南史云申天竺國出火齊珠狀如雲母

色如紫金列之則蟬翼積之則如紗縠之重香

也擲米神仙傳云麻姑見蔡經弟婦新產曰噫

且止即求少許米擲地皆成珠方平笑曰姑固

年少吾老矣不喜役作此變化也陰精後漢書

云珠璣中陰精也管子曰珠者陰之陽也故勝
火王者陽之陰也故勝水故天子藏珠玉諸侯
藏金石鸛鵲搜神記云魯參養母至孝有玄鶴
為戎人所射窮而歸參參收養療治瘡愈放之
後鶴夜到門外參秉燭視鶴唯雄雙至各銜明
月珠報參出火唐書云羅刹國其人極陋朱與
林色作市以夜而來其國出火珠狀如永精日
午時以珠承影取艾衣之即火出唐書西京雜
記云昭陽殿織珠為簾風至則鳴如珂珮之聲

上幣管子云先王以珠玉為上幣**珠殿**南漢劉

襲聚南海珍寶以為珠殿**馬出**唐五行志云大

和九年易定馬飲水因吐珠一以獻**履水**順宗

即位拘弭國貢履水珠色黑類鐵大如雞卵其

中有竅云持入江海中可行於洪波之上山命

善浮者繫於左臂入龍池步驟於波上亦潛水

中良久復出而偏身畧無沾濕因以御饌賜使

人長慶中嬪御試弄於海池化為黑龍雲煙暴

起不復追討**照夜**九國志云楚馬希振天祐初

殷為娶汝川鍾侍女資從甚厚有紅玉梳照夜
珠希振以非人臣所翫皆納之於殷**珠**南唐
近事云陳繼善拜少傅致仕富於資產自荷一
鉏以理小圃成畦以真珠千餘顆若種蔬狀土
壤之間記顆俯拾**次珠**杜甫自平詩云自平宮
中呂大一收珠南海十餘日**可食**天曆中日林
國獻靈珠五色紅而光又名詰多珠同菖蒲煮
食即大如雞卵可數日不饑**連城**李白云雙珠
出海底俱是連城珍**欽**李詩云婆娑海水南

簌弄明月珠**隱字**杜甫云客從南溟來遺我泉
客珠珠中有隱字砍辨不成書**照月**李白云越
客採明珠提携出南隅清輝照海月美價傾鴻
都

王

靈液孝經援神契云神靈滋液則有玉英**得璜**
尚書中候云呂尚釣于渭濱魚腹中得玉璜刻
曰姬受命佐之**瑟彼**詩云瑟彼玉璜黃流在中
將將詩云將將翺將翺佩玉將將**茗華**尚書大傳

云先致舜天下贈以苕華之王**球笏**禮記云笏天子以求玉**得禮**禮稽命徵曰王者得禮制則澤谷之中有白玉馬**帝瑞**禮含文加云龍馬金玉帝王之瑞應**六器**周禮云王作六器以禮天地四方蒼璧禮天黃琮禮地青珪禮東方赤璋禮南方白虎禮西方玄璜禮北方**璜受**禮云受璜王者以掬**玉衡**王逸正部論云或問王符曰赤如鷄冠黃如蒸粟白如猪肪黑如纒漆王之符也**聖鑑**志云王美者可以照面出交州青玉

出倭國赤玉出夫余輸王玄玉水蒼玉皆佩用

委然

白澤圖云王之精名曰委然如美女衣青

衣見之以挑戈刺之而呼其名則可得也夜行

見女戴燭入石中有玉也

玉璫

瑞應圖云玉璫

者聖人之應也不及自盈王者飲食有節則出

玉膏

十洲記云瀛洲有玉膏如酒名曰玉酒飲

數升輒醉令人長生

延年

本草云玉味甘生如

白頭公服之延年

琬琰

燉煌記年云桀伐岷山

岷山進二女于桀曰琬曰琰桀愛二女無子刻

其名茗華之王茗是琬華是琰

女歌

錄異傳云

江巖常列吳採桑富春山見一美女紫衣踞石而歌往來數十步女輒不見巖乃破石得一紫

玉廣長一尺

琰瑤

書云揚州厥貢瑤琨注瑤琨

美玉

球琳

又云雍州厥貢惟球琳琅玕注球琳

皆美玉

木玉

晉陽雜俎云山有寶玉木旁枝皆

下垂

六瑞

周禮云以玉作六瑞以等邦國王執

鎮圭公執桓圭侯執信圭伯執躬圭子執執轂璧

男執蒲璧

禦水

周禮云玉府王齋則共食玉注

云玉是陽精之純者食之所以禦水氣**比德**禮
云子貢問曰敢問君子貴玉而賤珉何也孔子
曰昔君子比德於玉溫潤而澤仁也縝密以栗
知也廉而不剌義也垂之如隊禮也叩之其聲
清越以長其終詘焉樂也瑕不掩瑜瑜不掩瑕
忠也孚尹旁達信也氣如白虹天也精神見于
山川地也圭璋特達信也天下莫不貴者道也
詩云言念君子溫其如玉故君子貴之也**無價**
尹文子云魏田父有耕於野者得玉徑尺不知

其王也以告鄰人鄰人詐之曰此惟石也畜之弗利田父猶豫歸置於廡下明照一室大怖而棄之鄰人取以獻三王召玉工相之再拜賀曰大王得天下之寶王問其價玉工曰無價以當之王賜獻玉者千金長食大夫之祿

原義

又云

鄭人謂玉未理者為璞周人謂鼠未腊者為璞

周人懷璞問鄭賈曰欲賣璞乎鄭曰欲之出其

璞視之乃鼠也因謝不取

不取

帝王世紀云周

武王伐殷為天子登臺見玉王曰誰之玉或曰

諸侯之王王不取反歸之天下聞之曰王庶於
財矣**珣**戰國策云珣珣類玉**燕石**關子云宋
之愚人得燕石以為大寶周客聞而觀焉主人
齎七日端冕玄服以出華筵十重緹巾十襲客
見掩口盧胡而笑曰此燕石也與礫不殊主人
大怒藏之愈密**馬贊**春秋繁露云公侯贊用王
玉潤而不污至清潔也故君子比之于玉玉有
瑕穢必見於外故君子不隱所短**名器**戰國策
云周有砮宋有結綠梁有懸犁楚有和璞此四

寶者天下名器獨不足以厚國家乎賈寔左傳

云初虞叔有玉虞公求旃弗獻既而悔之曰周
諺有之匹夫無罪懷璧其罪吾焉用此其以賈
害也乃獻之懷火左傳云晉裨窵言於子產曰

朱衛陳鄭將同日火若我用瑾瑜玉瓚鄭必不
火子產弗與注天災流行非禳祈所息二穀尺

云晉侯伐齊將濟河獻子以朱絲係玉二鼓而
禱沈玉而濟瓊弁又云楚子玉自為瓊弁玉纓

未之服也先戰夢河神謂已曰畀余賜汝孟諸

之麋弗致也榮記曰死而利國猶或為之况瓊
玉乎是糞土也注云界與也孟諸宋澤名多草
薦曰麋麋又云晉及齊戰于鞍齊師敗齊侯
使賓媚人賂以甌玉甌與他不可則聽客之所
為龍輔又云公賜公衍羔裘使獻龍輔於齊侯
遂入羔裘齊侯喜與之陽穀注云龍輔玉名陽
穀齊邑雙琥又云魯昭公疾徧賜大夫大夫不
受賜子家子雙琥一環一璧輕服受之大夫皆
受公薨子家子反賜於府人曰吾不敢逆君命

也大夫皆反其賜注琥玉器輕服細好之服水

折淮南子云水圓折者有珠方折者有玉**名義**

逸論語云玉十謂之區治玉謂之琢亦謂之雕

雙玉為穀五穀熟區雕治璞也穀音角瑳玉色

鮮白也瑩玉色也瑛玉光也璵赤玉也璿瑾瑜

美玉也璵舞三采玉也玲瓏瑱瑱璠玉聲也

璫玉佩也瑱充耳也璫玉飾以水藻也**三珠璽**

子云和氏之璧夜光之珠三棘之異此諸侯之

良寶者也**通鑑**張揖廣雅云昭華白珩琬璜和

壁璫璆垂棘也

中書

前涼雜錄云呂光稱王遣

使市六璽于閼

觀日

梁四公記云扶桑國使

使貢觀日王如鏡方圓尺餘明徹如琉璃映

日觀見日中宮殿皎然分明

赤虹

搜神記云孔

子作春秋制孝經既成齋戒告天天降赤虹化

為黃玉長三尺有文

田種

文云羊公雍伯性篤

孝居終山高八十里上無水公作義漿飲行者

三年一人就飲以石子一斗與之使有石處種

之羊公未娶又語汝後當得好婦語畢不見種

其石數歲徐氏有名女人求不許公試求之徐氏以爲狂因戲云以白璧一雙當聽爲婚公至所種石中得五雙白璧以贗遂以女妻公天子異之拜爲大夫名其處曰玉田

列子

列子云宋

人有爲其君以玉爲楮葉者三年而成鋒鏖莖

葉毫芒繁澤亂之楮葉中不可別此人遂以巧

食宋國

宋版

韓子云周有玉版紂令膠鬲索之

文王不予費仲來求因予之是膠鬲賈費仲光

道也周惡賢者之得志也故予賈仲

象德

百虎

通云王者象君子之德燥不輕濕不重是以人
君寶之厭操云卞和得玉獻楚懷王王使
人覘之玉以為欺刖其一足懷王死平王立和
復獻之又以為欺刖其一足平王死荆王立和
復獻獻之恐復見害乃抱其玉而哭繼之以血
荆王遣問之和隨使獻玉剖之果有玉乃封和
為陸陽侯和不受作退怨之歌而去司馬
彪續漢書云桓帝時光祿吏舍壁下夜有青氣
視之得玉鈎珖鈎長七寸二分玦五寸四分各

一枚身中皆雕鏤

山火

漢武內傳云西王母云

昌城王藥夜出山火**潛石**抱朴子云荆山之玉

潛光荆石之中雖有千仞之玉不能掩**玄真**又

云服玉脂一升得千歲服玄真者其命不極玄

真玉別名也服玉當得子聞白玉赤松子以玄

蟲而漬玉水服之乘烟霞上下也**鏡臺**世說云

溫嶠娶姑女下玉鏡臺一枚**九德**管子云夫玉

之所為貴者九德出焉溫潤以澤仁也粼以理

者智也堅而不蹙義也廉而不剝行也鱗而不

垢潔也折而不撓勇也瑕適皆見情也茂華光
澤並通而不相陵容也叩之其音清專徹遠純
而不殺辭也是以人主貴之裁以為寶剖以為
符瑞**昭華**西京雜記云高祖初入咸陽周行庫
藏見玉笛長二尺二寸二十九孔吹之則見車
馬山林隱嶙相次吹息不復見名曰昭華之琯
破石論衡云玉變為石珠變為礫毀謗使然也
採王者破石拔玉選士者棄惡取善**西京**
雜記云漢武趙昭儀寢昭陽殿玉為林象牙為

筆委然

白澤圖云王之精名曰委然如美女衣

青衣見之以桃戈刺而呼其名則可得也夜行

見女戴燭入石中有玉也

關邪

郭璞玉贊云鍾

山之寶爰有玉華光采流映氣如虹霞君子是

佩象德閑邪

抵鵲

桓寬監鐵論云崑山之旁以

玉璞抵鳥鵲

抵鵲

郭子橫洞冥記云起招靈閣

有二神女留一玉釵以與帝帝賜趙婕妤至昭

帝時宮人猶見此釵歆碎之視釵匣唯見白鷺

直拜天後宮人常作玉鷺釵

浮清

晉書云石季

龍起河橋採石為中濟石无大小輒隨流用功
五百餘萬而不成遣使致祭沉璧于河俄而壁
浮渚上文苑魏志云漢時天餘王葬用玉押常
豫以付玄菟郡王死則迎取以葬後漢書又云穆
弼有風格善自位置高祖欲以弼為國子助教
弼辭曰先臣以來蒙恩累世比較徒流實用慙
屈高祖曰朕欲勵胥子故屈卿耳以玉投泥豈
能相汙弼曰既遇明主耻泥乎泥滓石梁隋書
云王邵上表云稽覽圖史政道得則陰物變為

陽物鄭玄云若葱變為韭是也謹安自六年以

來山中石變為玉石為陰玉為陽

隋書

隋巢子

云奚祿山壞天錫王玦於羿遂殘其身以此為

福而至于禍

西京雜記

西京雜記云高祖初入咸陽

宮金玉珍寶不可勝言其尤異者有青玉燈五

枚高七尺五寸作蟠璃以口含燈燈然則鱗甲

皆動煥爛盈室

五代梁丞相趙光逢

在唐

以文行知名時人稱其方直溫潤謂之玉界尺

屈節

杜陽編云天寶中興國獻軟玉鞭屈之則

首尾相就舒之則勁楨入繩

瑞華

劉真清慮賦

云錯華玉以次犀駢雄黃以爲墀紛以瑤藥

以千夷

瓊華

毛詩云尚之以瓊華乎而

山輝

陸

士衡文賦云石韞玉而山輝水懷珠而川媚

方

流

顏延年贈王僧達詩云玉水記方流璿源載

圓折

儲精

杜甫云壁玉儲精以稠疊

正色

南郊

賦云蒼壁黃琮崑乎正色

麗君

李白詩云竭來

荆山客誰爲珉玉分良寶絕見棄虛持三畝君

煖老

杜甫云煖老須燕玉

清輝

李白云符彩照

滄海清輝凌白虹

壁

稱名

爾雅云壁大六寸謂之瑄肉倍好謂之壁

好倍肉謂之瑗肉好若一謂之環**禮**天周禮云

子執穀壁男執蒲壁以蒼壁禮天穀以養蒲為

席以安人皆徑五寸

反壁

呂氏春秋云魯却成

子聘于晉過衛右宰穀臣觴之陳樂而不樂乃

送之以壁成子曰觴我以酒懼我也陳樂不樂

告我憂也送我以壁寄託之也衛其有亂乎去

衛三十里聞甯殖之難作殺臣死之乃迎其妻

子隔宅居之分祿食之其子長而反其壁

晉書

左傳云晉荀息請以垂棘之璧假道于虞以伐

虢

陽世

又云初魏莊公自城上見已氏之妻髮

美使髡之既出奔而入馬示之璧曰活我吾與

汝壁已氏曰殺汝壁其焉往遂殺之而取其壁

穀梁又云秋楚子圉許蔡穆侯將許僖公以見

楚子許男面縛銜壁大夫縑經士與視楚子問

諸逢伯對曰昔武王克殷微子啓如是武王釋

其縛受其壁而祓之

神

又云楚恭王有寵子

五人无適立焉乃有大事于群望而祈請神曰
當壁而拜者神所立也埋壁大室之庭使五人
齋而入拜康王跨之靈王肘加焉平王弱抱而
入再拜皆壓紐**假田**又云鄭伯以壁假許田為
周公祧故也**說齊**戰國策云齊欲伐魏魏使請
淳于髡齎寶壁二雙文馬二駟請髡入說齊王
曰魏齊與國也伐之名醜而實危齊王乃止客
謂齊王曰髡受魏壁馬王問髡曰有諸曰有之

代魏之事便魏雖刺髡於王何益若誠不便魏
雖封臣於王何損百姓无被兵之患髡有壁馬
之寶於王何傷**詔楚**又云張儀為秦破從連橫
說楚王楚王遣使車百乘獻夜光之璧**棄壁**莊
子云孔子問子桑雎曰吾見逐於魯伐樹于宋
親交益疎何也對曰子獨不聞假之亡與林回
棄千金之璧負赤子而趨彼以利合者迫窮相
弃也天屬者迫窮相救也**問**孫卿子云聘人
以珪問士以璧**數壁**左傳云晉公子重耳之曹

信負羈縻盤飧寘壁焉公子受殽反壁博物志
云澹臺滅明齎千金之壁渡河河伯歆之至陽
侯波起酌蛟夾船子羽左操壁右蛟皆死既渡
投壁於河河伯濯而歸之子羽毀而去趙史
記云趙得和氏璧秦昭王請以十五城易之趙
使藺相如奉壁見秦无賞城意謂秦王曰壁有
寢請指示王使授壁相如持却立倚柱秦王恐
碎碎壁不敢逼相如乃使人間道懷壁歸趙清
池又云始皇三十六年有使者從關東夜過華

陰平舒道有人持壁遮使者曰為吾遺滴池君
因言曰今年祖龍死使者奉壁其以聞始皇使
御府視壁乃二十八年行渡江所沉壁也夜光
鄒陽書云白圭顯於中山人惡之魏文侯文侯
賜以夜光之壁又讀書云大秦國有夜光壁夜光
省鍾離意傳云意為魯相省視孔子教授堂男
子張伯刻草堦下土中得壁七枚懷藏其一以
六白意開瓮中素書文曰後世修吾書者董仲
舒發吾笥者鍾離意壁有七張伯取其一意召

問伯伯叩頭出之

抵谷

抱朴子云余聞唐堯之

為君也捐金於山虞舜之承禪也抵壁於谷

壁

見

中與微詳說云王者不隱過則玉壁見

難儲

韓詩云金壁雖重寶費用難貯儲

欺趙

李白詩

云秦欺趙氏壁却入邯鄲宮本是楚家玉還來

荆山中

金

鏐餅

爾雅云黃金謂之灑其美者謂之鏐餅謂

之飯絕澤謂之銑西南之美者有華山之金石

馬南金詩云大路南金從革尚書洪範云金曰

從革從作辛緘滕尚書云武王疾周公作金滕

注云為請命之書藏之於匱緘之以金不欲人

開也作蒸書說命云若金用汝作殲刑書云

金作贖刑三品又云揚州厥貢惟金三品注曰

金銀銅也乘金禮斗威儀云君乘金而王其政

平則黃金見深山從和禮器云金示和也注金

從革性和開耳易鼎卦云鼎耳金鉉利貞利斷

易云二人同心其利斷金六齊周禮云攻金之

工築氏執下齊治氏執上齊危氏為聲臬氏為
量段氏鑄器挑氏為仞金有六齊六分其金而
錫居一謂之鍾鼎之齊五分其金而錫居一謂
之斧斤之齊四分其金而錫居一謂之戈戟之
齊三分其金而錫居一謂之大刃之齊五分其
金而錫居一謂之削殺之齊金錫半謂之鑒燧
之齊注曰多錫為下齊少錫為上齊鑒鏡已金
多錫則刃白且明
孔 周易云乾為金
父 周
易參同契云黃土金之父流珠水之母
石 管

任法舜云堯治天下也猶金之在鑪咨治者之
所鑄**贖子**管耕數云涉七年早以莊山之金鑄
輅而贖民之无贍賣子者禹五年水以歷山之
金鑄幣而贖民之无贍費子者**不穀**孫氏瑞應
國云王者不藏金玉**丹書**孝經援神契云石潤
苞王丹精生金**勝土**又云四夷賓服則金勝土
泰廢晏子云景公為廢黃金之禁**兼金**孟子云
王魏兼金百鎰而不受注兼金好金也**國產**春
秋運斗樞云舜東巡臨觀黃龍五采負圖出置

舜前圖以黃玉為押黃金繩封兩端章曰氏黃

帝符璽也

不祥

莊子云金大冶鑄金金踊躍曰

我且必為鏤鉚大冶必以為不祥之金

虹化

搜

神記云孔子修春秋製孝經成齊戒向北斗星
辰而拜告備於天乃有赤虹見虹化黃金有刻
文孔子受而跪讀之

秦惠

王欲伐蜀乃刻

五石牛置金其后蜀人見之以為牛能便金

龜

金

列子云齊人有欲金者清旦衣冠之市適鬻

金者之所因攫其金而去吏捕之問曰人皆在

焉子攫人之金何故對曰取金之時不見人徒見金麗水韓子云荆南麗水之中生金戲妻列女傳云秋胡子既宦於陳五年乃歸未至見路傍有一美婦人方採桑秋胡下車謂之曰吾有金願與夫人婦笑曰嘻夫採桑以作紡績經織以供衣食奉二親養夫此而已矣吾不願人之金得仙葛洪神仙傳云容成公服三黃得仙所謂雄黃雌黃黃金赤氣地鎮圖云黃金之氣赤黃千萬斤以上光大若鏡盤金氣發大上赤下

青也

鳴山

王子年拾遺記云少昊時金鳴於山

銀涌於地或如龜地之類或似人鬼之形**照魅**

久云方丈山有池泥百鍊可為金金色青照鬼

魅犹如照面不得藏形也**抵鼃**燕丹子云太子

與荆軻之東宮臨池而觀軻拾瓦投鼃太子奉

金九軻用抵鼃復進軻曰非為太子愛金也但

臂痛也**圖物**王孫滿云昔夏之方有德也遠方

圖物貢金九枚鑄鼎象物**鑄人**楊學行云或問

世言鑄金可鑄歟曰吾問君子問鑄人不問鑄

金或曰人可鑄歟曰孔子鑄顏淵矣**性沉**齊俗

訓云金之性沉託之於舟則浮**生已**天文訓云

金生於巳壯於酉死於丑**夜市**異物志云狼荒

民與漢人交關常夜市以鼻嗅金知其好惡**置**

臺新序云燕昭王置千金於臺上以延天下之

士謂之黃金臺**馬注**莊子云以丸注者巧以鈎

注者禪以黃金者皆注曰重則必矜**得也**蜀王

本記曰秦王以金一笥遺蜀王蜀以禮物答而

盡化為土秦王怒群臣拜賀曰土者地也秦當

得蜀矣

赤光

郡國志云蘇秦宅在洛陽利仁里

後魏高顯業每夜見赤光於无處掘得金百斤

銘曰蘇家金業為之造寺

黃龍

淮南子云玦五

百歲生黃傾又五百歲生黃金又千歲為黃龍

注玦美石

寒食

淮南子云舜藏千金於薪巖之

山所以塞貪鄙之心也

露

左宣云昔夏之有

德遠方國物貢金九牧鑄鼎象物

馬

國語云

范蠡乘輕舟浮於五湖莫知所終越王會工以

良金為范蠡之狀而朝禮之

龐參

漢書食貨志

云元帝時貢禹言宜罷采珠王金銀鑄錢之官
毋以為幣議者不可食貨志

兩金

史記云秦獻

公十八年兩金櫟陽公自以得金瑞故作畦五
行志云番拱三年七月廣州兩金位正秋為兵

占曰又君多殺无幸

無人

又云吳楚反孝景以

寶嬰為大將軍賜金千斤嬰陳之廊廡下軍吏

過輒令自取無入家者

間盜

又云漢王與陳平

金四萬斤以間疏楚君臣不問其出入

懸市

又

云不常乃使其客人日著所聞說呂氏春秋書

成布咸陽市門懸千金其上有能增損一字者
予千金

協瑞

漢書云武帝行幸回中詔曰往者

朕見上帝泰山見金宜更黃金為麟趾褭蹄以
協瑞焉

作屋

漢武故事云帝年數歲長公主遍

指侍者曰與子作婦好否皆不用後指陳后帝
曰若得阿嬌當作金屋貯之

所出

後漢書云益

州金銀之所出

四知

續漢書云楊震為東萊太

守道經昌邑初震舉王密茂才密時為令夜謁
見震懷金十斤遺震震曰故人知君君不知故

人何也密曰暮夜無知者震曰天知神知子知我知已是四知何謂不知密慙而出滿籬漢書

云常賢少子玄成以明經歷任至丞相故鄒魯

諺曰遺黃金二十斤若不教子一經探社後漢書

云中興初有應姬者生四子而寡見神光照社

試探之乃得黃金由是諸子宦學並有才名至

場七篇通顯張璠漢記云永昌太守鑄黃

金為蛇獻梁冀益州刺史种嵩發其事同土漢

高記云當侯黃金與土同價理兒搜神記云郭

巨早喪父禮畢二弟求分以錢二十萬與二弟
巨獨與母出居客舍傭賃以給供養有頃妻產
男巨念留兒妨事親一也老人得食喜分兒孫
減饌二也乃鑿地欲埋兒得石蓋下金一釜中
有丹書曰孝子郭子黃金一釜用以錫汝於是
名振天下

馬關

史記云蓬萊方丈瀛洲此三神

山也皆以黃金白銀為宮闕

任鎔

董仲舒云上

之化下下之從上街金之在鎔唯冶者之所鑄

和變

武帝故事云宣帝河東立廟告祠有一人

騎馬持一尺札賜將作丞曰汝績已成賜金一
斤忽不見札變為金碑生魏志云繁昌縣授禪
石碑中生金表送上群臣盡賀之王隱晉書云
永嘉初陳國項縣賈逵石碑中生金人盜鑿取
賣賣以復生此江東之瑞也晉得元帝中興於
江東故云江東之瑞紫光晉永和起居注云廬
江太守路永表言於穀城北見水岸邊紫赤光
得金一枚狀如印齒管飛梁書云林邑國有山
赤色其中生金夜則出飛狀如螢火埋墓唐書

云杜暹為監察御史往西覆屯蕃人賁金以遺
暹固辭不受左右以不可失蕃人之情暹受而
埋於幕下既出境乃移牒令取之

元兇

唐書玄

宗賜牛僧孺桑樽龍勺語曰精金古器比况君

子

披沙

稱賦云披沙揀金

為上

食貨志云黃金

為上白金為下

探機

幽明錄云張安張氏有鳩

自入於牀張惡之披懷祝曰為我禍耶止承塵

為我福耶入我懷鳩翻飛入懷以手探之而得

一金帶鈎自是子孫昌盛

金潭

幽明錄云巴丘

縣自金岡上二十里名黃金潭莫測其深上有
瀨亦名黃金瀨古有釣於此潭獲一金鏐引之
遂滿一船有金牛出身奔釣人被駭牛因奮踊
躍而還潭鏐將盡釣人以刀斫得數尺潭瀨因
此取名詩異苑去求康王曠井上有一洗石
時見赤氣後有二胡人寄宿忽求買之未及度
錢子婦孫氏親二黃鳥聞於石上疾往掩取變
成黃金為長許慎說文云金有五色黃金為長
久埋不生百陶不輕西方之行也化鵲幽明錄

云常山張顗為梁相有鳥如山鵲隨地人爭取

即化為圓石顗推破之得一金印文曰忠孝侯

印**少陰**白虎通云金者少陰有中和之性**正物**

又云金之為言禁也言秋時萬物陰氣厲禁止

物也**彈丸**西京雜記云韓嫣好彈常以金為丸

一日所失者十餘長安為之語曰苦饑寒逐彈

丸京師兒童每聞嫣出彈輒隨往望丸所落而

拾之**雷金**述異記云南康寧都縣西汾江有石

室名夢口穴嘗有船人遇一人通身黃衣擔兩

龍黃紙求寄載過崖下此人啣船上徑下崖直
入石中船主初甚忿之見其入石始知神異視
船上啣悉是黃金

琉璃

黃支

廣志云琉璃出黃支斯調大秦日南諸國

仙宮

十洲記云方丈山上有琉璃宮

十種

魏畧

云大秦國出赤白黑黃青綠緋縹紅紫十種琉
璃**石屑**南州異物志云琉璃本質是石欲作器
以自然灰狀如黃灰生南海濱亦可浣衣用之

不須淋但投之中滑如筍石不得此灰則不可

釋坐感

世說云滿奮畏風在武帝琉璃窓中坐

實密似陳奮有疑帝問之答曰臣猶吳牛見光

而喘

為器

又云武帝嘗降王武子供饌盤悉用

琉璃器

為屏

漢武帝拜方士樂大為五利將軍

起九間神宮欽以下神云云白琉璃為屏珍珠

為簾

為殿

魏大武時大月氏國人商販至京師

自云能鑄琉璃既成光澤美於西來者乃詔為

行殿容百餘人光色映徹見者震駭以為神明

自此中國琉璃甚賤人不復珍之**而**盤杜陽編

云同昌公主以紅琉璃盤成夜光珠立堂中光

如畫**而**帳十洲記云黃僊設紫琉璃帳東方**而**

釵五行志云唐朱世俗尚以琉璃為釵釧近服

妖也琉璃播遷之兆**懷瓶**太平廣記云唐真元

中揚州有丐者自稱媚兒懷中出琉璃餅可受

半升表裏通明曰施蒲此聖瓶足矣瓶項如蒂

管人與之百錢投之琤然有聲見瓶間大如粟

衆人異之復與千錢亦如此以至萬錢亦然好

事者以驅與之入瓶如蠅大動行如故俄有度
支綱至數十車綱六駐車觀之綱主戲曰爾能
令諸車入瓶中乎媚兒曰可乃微側瓶口令車
悉入有頃漸不是媚兒即跳身入瓶綱官大驚
以挺撲瓶破一無所有從此失媚兒所在後月
餘有人於清河北逢媚兒部領車乘趨東平而
去**乾飯**世說云王敦尚主至石崇舍如廁畢婢
擎金澡盤盛水琉璃碗盛澡豆王取豆著水中
飯之謂之乾飯

銀

白金

爾雅云白金謂之銀其美者謂之鏐

梁肅

書云禹貢梁州厥貢銀

荆

周禮云荊州其利

銀

錯

三禮圖云牛鼎受解天子飾以黃金錯

以白銀

出

白帖云銀出常出素露

宋

提漢書

云朱提銀重八兩為一流直一千五百八十他

銀一流直一千是為銀貨朱提縣名屬犍為

王

溢

史記封禪書云殷得金德銀自山溢

銀幣

漢

書云建元中又造銀錫白金其文龍直一千其

文馬直五百其文龜直三百盜鑄罪死而犯者不可勝數。**出產**漢書云潞州醴町山出銀貴古亦出銀又云無雷國出銀。**銀山**東方朔神異經云西南有銀山長五十餘里廣四五里高萬餘丈皆悉白金不雜土山不生草木。**闕闕**東方朔十洲記云東明山有宮左右闕建以五色門有銀胸以青碧錢題曰天地長男之宮。**祿**後魏書云銀出始興陽山縣又出桂陽陽安縣驪山有銀礦二石得銀七兩白登山亦有銀礦八石

得銀七兩宣武帝詔並置銀宮每令採鑄開禁
又云後魏孝明皇帝開恒州銀山之禁與人共
之鑄盤後魏書云武帝作黃金盤鍤以白銀銘
云九洲致貢殊域來賓乃作茲器錯用奇珍鍛
以紫金鍤以燭銀利唐本傳云權萬紀為侍
御史即奏言宣饒部可鑿山治銀歲取數百萬
帝責田公不推賢進善乃規我以利斤使還策
銀氣地鏡圖云銀之氣夜正白流散在地撿之
隨手散復合此是也又云白銀見有雄鷄可餌

抱朴子云銀但不及金玉餌可以地仙

銀穴廣

州記云廣州市司用銀米遂成縣仕山銀穴有

銀砂

銀藥

瑞應圖云王者宴不及醉刑罰中人

不為非則銀藥出

泥礦

郡元注水經云孱水山

水源有金銀礦洗取火合之以成金銀

銀藥

王

韶之始興記云小首山宋元嘉元年夏霖雨山

崩處光耀若辰若人往觀皆是銀礫鑄得銀也

燭光

爾雅云鍾之寶山銀有精光如燭

銀容

種

神錄云壽州有凶宅人莫敢居大將趙璘獨據

中室夜有物推床曰我等在此又為君所壓甚不快君何速去鬼相移床於庭下璘亦安寢明日於堂上置床處掘得銀一窖宅遂安稽神錄云饒州鄧公場採錄之所山底天祐募銀夫十餘人鑿地道入數步空闕明朗有穴如天窓柱石皆白銀也采者出持斧入將祈之俄而山摧盡壓死自是無敢下者

銀錐

長編云至道二年

有司言定州出銀錐請置官掌其事上曰地不愛寶當與衆庶共之不許

錢

泉布

史云泉布言寶貨之行如泉之布也鄭玄

注曰泉或作錢**泉府**周官云泉府上士四人中

士八人下士十有六人**布貨**周禮云外府掌邦

布之出入注云布泉也取名於水泉其流行無

不徧也**布品**周禮注云泉之始蓋一品周景王

鑄大泉而有二品王莽改貨多至十品通典云

虞夏商幣金為三品或黃或白或赤或泉或帛

或刀或龜貝**鹿臺**周書云武王克商發鹿臺之

錢散鉅橋之粟便可南史周文育詣卜者卜者

曰君北行不過作令長南入則為公侯周曰足

錢便可誰望封侯公史記云單父人呂公善

沛令避仇從之沛中豪傑吏皆往賀蕭何為主

進令諸大夫曰不滿千錢坐堂下注云進與賈

同象面史記云安息國以銀為錢錢如其王面

王死轉校嗣王面焉錢刀風俗通云錢刀俗說

利傍有刀人言治生多得錢者必有刀劔之禍

也按漢書王莽造大錢作契刀錯刀五珠錢凡

四品並行故稱錢刀也

投水

風俗通云郝子庶

每飲馬輒投錢於水

鑿井

風俗通云魏郡龐儉

因亂失父母襁抱轉客廬中鑿井得錢千餘萬

遂巨富堂上作樂老蒼頭在厨中竊言曰堂上

老母我婦也婢以告母呼問復為夫婦時人語

曰龐公鑿井得銅買奴得翁

賣官

九州春秋云

靈帝賣官廷尉崔烈入錢百萬以買司徒拜之

日天子臨軒顧謂左右曰恨不少靳可至千萬

金鑿

世說云王武子私弟近北邙于時人多地

貴濟好馬射買地作埒編錢布地竟埒時人號
為金埒齊幣管子云禹九年水湯七年旱人無
饌有賣子者湯以莊山之金鑄幣以贖之禹以
歷山之金鑄幣以救人之困取息孟嘗君相齊
食客三千人邑入不足以奉出錢於薛貸錢者
多不能與息馮謹乃釀酒置肥牛召諸取錢者
能與息者來不能與息者亦來能與息者為期
不能與息者取券而燒之曰孟嘗君貸者為民
之無者以為衣業也所以求息為无以奉客也

合富給者以要期貧者焚券書以捐之有君如此豈可負哉書資初蘇秦之燕貸百錢為資及貴以百金償之徧報諸所嘗見德者其一人獨未得報乃前自言秦曰我非忘子子之與我至燕再二歆去我易水之上方是時我困故望子深是以後子子今亦得矣貫朽史云漢興七十餘年廩庾皆滿京師之錢累百巨萬貫朽而不可較又云安息國以銀為錢錢如王面便氏云馬援在隴西上書曰富民之本在於食貨宜

如舊鑄五銖錢天下賴其便

如雲

地鏡圖云錢

銅之氣望之如青雲

三等

漢書云凡貨金錢而

帛之用殷夏以前其詳靡記太公為周立九府

圓法圓即錢也秦兼天下幣為三等上幣銅錢

八銖

漢高后二年行八銖錢六年行五銖錢應

邵曰秦作錢質如周錢又曰半兩則八銖也漢

以大重更鑄莢錢今民間榆莢錢是也人患其

太輕復行八銖錢五珠謂莢錢也

四銖

文帝五

年除盜鑄錢令更造四銖錢應劭曰四銖錢文

亦曰半兩

三

文帝建元元年行三銖錢五年

罷三銖行半兩時郡國鑄錢人多公卿請令京師鑄官赤仄以赤銅為郭一當五禁郡國無得鑄非上林三官錢不行賈誼諫之不聽

六

帝王

莽居攝變漢制造大錢徑寸二分重十二銖又造契刀錯刀其環如大錢身形如刀長二寸以黃金錯其文曰一刀直五千與五銖錢而更作金銀龜貝錢布之品名曰寶貨小錢直一次七分三銖曰幺錢一十次八分五銖曰幼錢二十

次九分七銖曰中錢三十次一寸九銖曰牡錢
四十因前大錢五十是為錢貨六品**贖罪**漢書
云林慮公主病以金千斤錢千萬為子昭平君
預贖一死罪武帝許之**亦及**又云武帝時郡國
錢多輕而公卿請令京師鑄官赤仄如淳注曰
以赤銅為其郭**九府**又云太公立九府圜法注
云圜即錢也九府周官有太府玉府內府外府
泉府天府職內職幣職金皆掌貨財官也**通權**
漢書云太公行錢法至管仲通輕重之權曰民

有餘則輕之故人君歛之以輕民不足則重之
故人君散之以重桓公遂霸富復漢書云公孫
述廢銅錢置鐵官錢貨幣不行蜀中童謠言黃
牛白腹五銖當復好事者竊言王莽稱黃述自
號白五銖錢漢貨也言天下當還劉氏肉錢漢
記云周景大錢文曰寶貨肉好皆有輪郭注曰
肉錢形也好孔也不拜東觀漢記云趙勤劉賜
娣子幼有志操賜適到時指錢示勤曰拜乞汝
三十萬勤曰拜而得錢非義所取終不肯拜四

方漢書云錢圓函方輕重以銖注函與合同方

孔也

督鑄

後漢書云長安鑄錢多姦巧尹以第

五倫為督鑄錢掾領長安市市无阿枉

鑄錢

續

漢云劉寵自會稽太守徵將作大匠山陰民五
六老翁平間寵遷相率共送寵人賫百錢寵謝
之寵選一大錢受之

白水

漢書儀云王莽篡位

罷五銖更作小錢文曰貨泉其文乃白水真人
此則世祖中興之瑞也四出獻帝春秋云靈帝
作五銖錢有四道連于邊輪識者以為京師將

破此錢四出散于四方後漢書謂之四出錢摩

質

漢書云錢法重四銖而姦或盜摩錢質而取

鎔錢益輕薄而物貴法去鎔銅屑也摩錢漫面

取屑更以鑄錢也鎔音俗**四圓**恒執世論云漢

靈帝置西園之邸賣幣號曰禮錢**宋鑄**漢武初

竿緡錢**龜具**漢時人上書言古今以龜具為貨

今以錢易之民以故貧宜改幣上問于師丹丹

曰可改章下有司皆云卒難易丹老耄逐策地

之**錢厲**馬援云凡植財貴能振施否則守錢虜

耳重輕

國語云周景王將鑄大錢單穆公曰不

可古者天災降戾於是乎量資幣權輕重以賑
救民民患輕則作重幣以行有母權子而行若
不堪重則多作輕而行亦不廢重有子權母而
行今王廢輕而作重民失其資能無匱乎王弗
聽卒鑄大錢注云民患輕謂幣輕物貴不堪重
謂幣重物輕注重曰母輕曰子

錢譜

葛仙翁別

傳云公取十錢使人二投井中公井上以器呼

錢錢從井中一一飛入公器

施盡

世說云郗愔

好聚歛有錢數十萬愛其子超嘗令開庫任用
惜始謂止損數百萬許超遂一日散施都盡

注

錄魏志云黃初二年以穀貴罷五銖錢

掘地

魏

書云劉歆為弘農太守使人掘地求錢所在市

里皆有孔穴

錢漏

文選云銷漏三倍言錢之消

磨缺漏

錢論

王隱晉書云惠帝時有錢神論曰

錢之為體有乾坤之象其積如山其流如川動
靜有時行藏有節并便利易不愚耗難折象籌
不匱象故道能長久為世神寶親故如兄字曰

孔方失之則貧苦得之則富昌無翼而飛無足而走解嚴毅之顏開難笑之口錢多者處其前錢少者處其後去也

太衍

晉書云張軌為梁州

叅軍素輔曰古以金貝皮幣為貨息穀帛量度之耗二漢制五銖錢通易不滯大始中河西荒廢遂不用錢裂疋以為坎數縑布既壞市易又難走壞女工不任衣用弊之甚也今中州雖亂北方安全宜復五銖准布用錢錢遂大行人賴其利

待林

晉書云王衍之妻郭氏貪鄙衍口不

言錢妻候其睡令婢以錢繞之及其寢曰却此
阿堵物**掛杖**晉書云阮孚日常杖頭掛百錢造
市店餽飲而歸**買悅**晉書云王導子悅為中書
侍郎導夢人以百錢買悅甚惡之後掘地得錢
一百皆藏閉而悅果死**沈郎**晉書云吳興沈克
鑄小錢謂之沈郎錢**六一**宋書云元嘉七年六
一錢署鑄四銖錢**五分**齊書云昔文帝以五分
錢小改鑄四銖**泉路**齊書云趙僧巖栖遲山谷
常以一壺自隨一旦謂弟子吾今夕當死壺中

大錢一千以通九泉之路蠟燭一挺以照七尺

至夜而亡

大郭

齊書云曹武為衛將軍晚節在

雍州致見錢七千萬皆後輪大郭

鍾應

梁書云

江祿為武寧郡頗有資產積錢為壁壁為之倒

銅物皆鳴人戲之曰所謂銅山西傾洛鍾東應

者也

親發

又云宋季雅罷南康郡市宅居呂僧

珍宅側僧珍問宅價曰千一百萬恠其貴季雅

曰一百萬買宅千萬千萬買鄰及僧珍生子季

雅往賀署函曰錢一千閤人少不為通強之乃

進僧珍疑其故親自發乃金錢也

集書

梁謝舉

兄子僑素貴常一朝無食其子啓以班史質錢
答曰寧餓死豈可以此充食乎

錢愚

梁武帝弟

蕭宏錢百萬一聚黃榜標之千萬一庫掛一紫
標如此三千餘間武帝見之計錢三億餘萬武
帝少子授作錢愚論譏之

謝啓

梁簡文帝謝勅

賜解講錢啓曰無勞礪石之大金貸猥臻非遊
玉壘之川銅山可見舒王濟之埽猶覺有餘假
劉寔之繩穿而不盡惠輸究竟爰降曲私福田

成滿仰由慈被榮光獨照自均若木負恩知重

潤筆

隋鄭澤自隆州徵還帝令內使李德林立

作詔書復爵國公位上柱國高顥戲謂曰等乾
答曰出為方岳杖策言歸不得一文何以潤筆
上大笑**初鑄**唐書記云李輔國奏內飛龍院鑄
銅鍾授乾元新錢二文於鍾而祈曰如聖躬萬
福國祚無疆兇孽殄除四方寧謐則願不銷不
燥一陰一陽至見於外鍾成一如所祈**生唐**殷
仲堪集太子令曰朝廷為吾營宮室冬氣已應

作者寒若可使監殿舍人一月資酒肉在勞賜之吾蒙月俸錢上生塵無所用之可以供享

臣

臣

後周書云大象元年初鑄永通萬國錢以一

當千與五銖大布並行蜀志曰先主初拔成都軍用不足劉巴曰但當鑄直百錢平諸物價備從之數月之間府軍充足

不顧

宋書云山陰孔

祐嘗見山谷中有數百斛錢視之瓦石不異

項

兒

宋書云戴頊子延壽善書好學山陰有陳載

者家富有錢三十萬鄉人云戴頊兒敵陳載三

千萬錢

戲淑

宋書云始興王璿嘗送錢三萬餉

袁淑一宿復遣追取言使人謬誤故以戲淑淑致書曰聞之前志七年之中一與一奪義士猶或非之况密通旬次何其衰益之亟也竊恐二三諸侯何以觀之

分施

劉凝之隱居荊州年飢

衡陽王義季慮凝之餒斃餉錢十萬凝之大喜將錢至市門觀有飢色者悉分與之俄頃而盡

金溝

世說云王武子移第近北芒于時人多地

貴武子好買射買地作埒編錢布地竟將時號

金溝

錢瘕

和嶠富擬王者而至吝人謂之錢瘕

驚眼

米畧云秦始中通私鑄而錢大壞矣一貫

長三寸謂之驚眼錢減此者謂綖環錢貫之以
縷入永不沉市井不復料數十萬不盈一掬斗
米一萬至是禁驚眼綖環餘別通用也

錢瘕

華

陽國志云公孫述廢銅錢置鐵錢百姓貨賣不

行

繫樹

郗原列傳云原常行遼東得遺錢拾以

繫樹枝此錢既不見取而繫錢者多原問其故

答曰謂之神樹原悲其由已而成淫祀乃辨之

里中遂飲其錢以爲社供

還字

汝南先賢傳云

閭敞爲郡五官掾太守第五嘗被徵以俸錢百三十萬寄敞敞埋置堂上後嘗舉家病死唯孤孫九歲嘗未死語孫云吾有三十萬寄掾閭敞孫長大來求敞敞取錢還之孫曰祖言三十萬今乃百三十萬誠不敢取敞曰府君病困謬言耳卽君無言

便鬼

杜慆休論云可以使鬼者錢

也可以使神者誠也

若論

成公綏錢神論云路

中紛紛行人悠悠載馳載驅唯錢是求朱衣素

帶當塗之士愛我家兄皆無能已執我之手托
分始終不計優劣不論能否賓客輻輳門常如
市諺曰錢若無耳何可閤使豈虛言也

錢爐白

集云私家无錢爐平地無銅山

撲滿

撲滿者以

竹為竅為畜錢具有入竅而无出竅滿則撲之

杜詩

杜詩云囊中恐羞澁畱得一錢看

錢看

壹詩云文吏徒滿腹不如一囊錢

童子

岑文本

山亭避暑忽有人叩門云上清童子元寶參奉
冠青圓角冠衣淺青衣自言由漢得果成仙語

以漢魏間事了如目者本因問其冠帔答曰僕
外服圓而心方正此是上清五銖服也又天衣
六銖尤細五銖也言訖送出門去行數步至墻
下忽不見文本使人掘之乃一古墓其中唯得
一古錢文本方悟上清童子者謂青銅也名元
寶者錢之文也外員心方正錢之狀也青衣者
銅衣也五銅者亦錢文也此乃漢朝所鑄也文
本自是錢帛日盛至中書令忽失古錢畚遂亡
矣

飛錢

德宗正元初駱谷散關禁行人以一人

出者憲宗時商賈至京師委錢諸道進奏院及諸軍諸使富家以輕裝趨四方合券乃取之號飛錢

貝

介蠶

說文云貝海介蟲也吉者貨貝而寶龜至

周而有泉到秦廢貝行泉

秦陵

三輔故事云秦

始皇葬驪山起陵高五十丈下以水銀為泉以

明珠為月水中多文貝

黃貝

又云卦山濠水多

黃貝

文貝

又云赤水之東蒼梧之野有文貝

寶

貝 歸藏云有人將來遺我貨貝以至則微以求

則得有喜將至 **成錦** 毛詩云萋兮其兮成是貝

錦疏義曰貝盤龜屬文有紫貝其白質如玉棠

點為文皆行列相當大者有徑一尺六寸今女

真交趾以為杯盤宝物也 **大貝** 春秋運斗樞云

搖光得虹吐大貝 **百朋** 太公六韜云商王拘西

伯昌於羗里散宜生以珍物免君之罪九江得

大貝百朋以獻紂 **大貝** 監錢論云數與民改幣

與世易夏后以玄貝周人以紫石也 **大貝** 漢書

云文帝賜南越王尉陀書及衣陀因使者獻紫

貝五百

為朋

又云莽時大貝四寸八分已上二

枚為一朋直二百一十六牡貝二寸六分已上

一朋直五十么貝一寸四分已上一朋直三十

小貝寸二分已上已上一朋直十不盈寸二分

不得為朋每枚直錢三是為貨貝五品貝不盈

六分不得為貨

紫貝

廣州志云凡有人紫貝最

其美者出交州大貝出巨延州與行賈貿易

奇

案

萬震南州異物志云乃有大貝奇姿難儔素

質紫飾文若羅珠不磨不瑩永耀光流思雕草
如歆瓊靡踰在昔姬伯用免其拘

班固

南方記

云班貝贏大者圍之得六寸小者圍之得五寸
在於海邊捕魚時時有得之者大貝出諸簿巨
延州土地採賣之以易絳青

日南

交州記云大

貝出日南如酒杯小貝貝齒也善治毒俱有紫

色

色光南州易物志云交趾北南中有大文貝

質白而有紫天姿自然不假雕琢磨瑩而光色

煥爛

貝

相貝經云朱仲學仙於琴高而得其

法又嚴助為會稽太守仲遠助以徑天之貝并
致此文於助曰三代之真瑞靈奇之秘寶其有
次此者貝盈尺壯如赤電黑雲謂之紫貝素質
紅黑謂之朱貝青地綠文謂之綬貝黑文黃畫
謂之霞貝紫愈疾朱明目綬消氣唯霞壯蛆虫
不能延齡增壽貝禦害一也後有下此者鴈啄
蟬吞以逐溫去水无奇功貝大者如輪文王請
大秦貝徑半尋穆王得其殼懸於昭觀穆秦公
以遺燕噐可以明目遠察宜王宜金南海貝如

珠璣或白駁其性寒其味甘止水毒浮貝使人
寒无以近婦人黑珠為日明名曰爾雅云貝居
陸焱在水西大者鮑小者蜆玄貝胎貝余蚘黃
白文余泉白黃文蚘博而類蛭大而儉貴小而
情貝齒本草經云貝子一名貝齒生東海貝
山海經云陽山濁洛之水注於蕃之澤申多文
貝又云陰山黑白各半是也灌貝使人善驚无
以親童子黃唇點齒有赤駁是也蚶貝使病瘡
里鼻无皮是也睛貝使胎消勿以示孕婦赤帶

通者是也慧貝使人善亡勿以近人赤熾內殼
赤絡是也管貝使童子愚女淫有青唇赤鼻是
也碧貝使童子盜春上有縷句唇是也兩則重
齊則輕委貝使人志強夜行伏迷鬼狼豹百獸
赤中國是也兩則輕齊則重貝郭璞貝贊云
先民有作龜貝為貨貴以文采賈以大小簡則
易資犯而不過

寶

琛寶

爾雅云琛寶也

速寶

禮記云南宮敬叔反

必載寶而朝天子曰如是其貨也喪不如速貧之愈也

忠信

禮云儒有不寶金玉而忠信以為

寶不貪

左傳云宋人得玉獻諸子罕曰示玉人

以為寶也故敢獻之子罕曰我以不貪為寶爾以玉為寶若以與我皆喪寶也不若各有其寶

好寶

公羊傳云虞公貪而好寶及為晉所滅抱

寶牽馬而去又曰盜竊寶玉大弓

用重

管子云

王起於畎氏金起於汝漢珠起於赤野先王為其從遠其至之難故托用於其重以珠玉為上

幣黃金為中幣刀布為下幣

照遠

史記云梁惠

王與齊威王田於郊威王問曰王亦有寶乎惠
王曰若寡人國小尚有徑寸之珠照車前後各
十二乘者十枚柰何以萬乘之國而無寶乎威
王曰寡人之寶與王異吾臣有檀子曰使守南
城則楚人不敢為寇東則十二諸侯皆來朝吾
臣有盼子者使守高堂則趙人不敢東漁吾臣
有黔夫者使守徐州則燕人祭北門趙人祭西
門徒而從者七千餘家吾臣有種首者使備盜

賊則道不拾遺四臣將以照千里豈十二乘哉
梁惠王慙不忤而去**求主**謝承漢書云鄒人王
逢得路遺寶物懸徯道求主還之**不離**晉安帝
記云桓玄尤愛珍寶常玩弄珠玉不離於手
國寶地鏡圖云凡觀金玉寶劍銅鐵皆以辛之日
待兩止明日平旦或黃昏半觀之所見光勻者
玉也赤者金黃者銅黑者鐵**國寶**新序云秦使
使者往觀楚之寶器楚子召子西而問焉曰吾
有氏之璧隋侯之珠可以示諸子西對不知召

奚恤而問焉對曰國之寶器在賢臣珠玉玩好之物非寶之重者**溺器**長編云乾德四年上遣使收蜀圖書法物見孟杲七寶溺器自奉如此歆無亡乎遽命碎之

瑪瑙

次王廣雅云瑪瑙石次王**西南**廣志云瑪瑙出

西南諸國**月氏**玄中記云瑪瑙出月氏國**大秦**

魏畧云大秦國多瑪瑙**鍾榼**涼州記云呂纂咸

寧二年盜發張駿陵得瑪瑙鍾榼**玉屬**文帝瑪

瑤勤賦云瑪瑙玉屬也出自西城文理交錯有
似瑪瑙因以名之命夫良工是鑄追形逐好從
宜素使爾乃籍彼朱罽華勒用成駢居別趾煥
若羅星飾寶王粲瑪瑙勒賦云遊大國以廣觀
覽希世之常寶摠衆材而課美信莫感於瑪瑙
云云

珪璋

珪 說文云珪大珪也珽大珪也長三尺杼上
有莢首又爾雅云珪大尺二寸謂之珪象形白

虎通云珪以爲信而見何也珪者銳上象物始
生見於上也信莫著於見故以萬物之始莫不
自潔珪之爲言珪也上銳陽也下方陰也
言成
尚書禹貢云禹錫玄珪告厥成功
磨珪毛詩云
白圭之玷尚可磨也斯言之玷不可爲也
龜鑑

禮記

云諸侯以龜爲寶以圭爲瑞家不寶龜藏

圭不琢又云禮有以素爲貴者大圭不琢
車信

又云大夫執圭而使所以申信也
河津左傳云

王子朝用成周之寶珪於河津
晉公易云告公

用珪

不勝

論語云執圭鞠躬如也如不勝

執見

穆天子傳云天子賓於西王母乃執白圭玄璧

以見

三珪

莊子云楚昭王延屠以三珪之位

若

雲

楚辭云接徑千里出若雲三圭重侯聽類神

察篤友隱孤寡存

圭出

古今注云章帝建初七

年玉圭出弘農華陰

錫

詩云錫爾介珪以作

爾寶

東圭

書云植璧東珪

瑟彼

詩云瑟彼珪璋

注瑟潔白貌

戴弄

又云乃生男子載弄之璋

奉

璋

又云奉璋戕戕

五瑞

禮云輯五瑞注斂五等

諸侯之珪璋而朝覲也。**班瑞**書注云班還也朝

覲禮畢還瑞於諸侯。**特達**禮云珪璋特達德也

注特達謂以朝聘也。**辨等**又云長短之制以辨

上下。**昭度**又云昭其度也。**治德**周禮云琬圭以

治德結好。**易行**又云琬圭以易行除惡。**礪籍**又

云公執桓圭縹三采三就注縹木為中幹周常

衣而畫成之一匝為一就又云覲禮以縹籍王

注以常衣木廣袞以玉大小為玄色。**執玉**又云

王執鎮圭鎮安也以四鎮之山為象飾以安鎮

四方長尺二寸

公執

又云公執桓圭桓公室之

象可以安上也長九寸

信圭

又云侯執信圭伯

執躬圭信身也身圭躬圭皆象人形爲飾欲其
慎行以保身也圭皆長七寸

縣

柳宗元云森

然炳然若開群王之府指揮聯累珪璋之狀各
有列位

交映

送苑論云圭璋交映

水精

爲

拾遺記云魏明帝時昆明國貢額金鳥飼

以其珠飲以龜腦常吐金屑鳥性畏寒處之小

屋水精爲戶內外通光明

獻林

又云西域列賓

武得二年遣使者獻玻璃水精杯

如意

傳云月

下舞水精如意誤傷鄧夫人

廣龍

東齋記事云

本朝劉隨待制爲通判嚴明通達謂之水精燈

籠

碑渠

重寶集韻云卓渠是玉石類西國重寶形似蟬

蛤有文理

重堂

西域記云西域重堂殿梁檐皆

以七寶飾之注卓渠其一也

類傳卷第二十三終